

Broj: 03-04-2-166/22
Sarajevo, 09.09.2022. godine

Federalno ministarstvo pravde, rješavajući po zahtjevu udruženja „Sindikat policijskih službenika Federalne uprave policije“ za upis u Registar udruženja, na osnovu člana 29. stav 1. Zakona o udruženjima i fondacijama („Službene novine Federacije BiH“, broj: 45/02) i člana 200. Zakona o upravnom postupku („Službene novine Federacije BiH“, broj: 2/98 i 48/99), donosi

RJEŠENJE

1. Upisuje se u Registar udruženja u Federaciji Bosne i Hercegovine udruženje pod nazivom: „**Sindikat policijskih službenika Federalne uprave policije**“, skraćeni naziv udruženja: „**Sindikat policijskih službenika FUP-e**“, sa sjedištem u **Sarajevu**, ulica **Mehmeda Spahe broj 7**.

2. Upis je izvršen pod registarskim brojem **2259**. knjiga **IV** registra, dana **09.09.2022.** godine.

3. **Ciljevi udruženja su:**

- usmjereni na zakonit odnos u svim oblastima života i rada od interesa za članstvo Sindikata, kao i na stvaranje pravnih i drugih preduslova za puno ostvarenje radnih i socijalnih prava članova Sindikata, te na pružanje svih vidova zakonom dopuštene podrške i pomoći svojim članovima,
- zalaganje za pregovaranje sa Vladom Federacije BiH kako bi se zaključio kolektivni ugovor za policijske službenike Federalne uprave policije, te eventualna izmjena ili dopuna postojećeg kolektivnog ugovora kada za to postoji opravdanost i uslovi,
- zalaganje za obezbjeđivanje potrebnih preduslova za slobodno sindikalno organizovanje i djelovanje,
- zalaganje za razvoj demokratskih procesa,
- zalaganje za borbu protiv svih vidova korupcije u okviru svog djelokruga rada,
- iniciranje donošenja zakonske i podzakonske regulative, koja je od interesa za članstvo sindikata kojom se obezbjeđuje pravna, ekonomska i socijalna zaštita članova,
- zalaganje za nezavisnost prema vladi i svim ostalim državnim institucijama, vjerskim zajednicama, političkim strankama i drugim institucijama,
- poticanje na solidarnost,
- zalaganje za obezbjeđenje jednakog radnopravnog statusa u svim organizacionim jedinicama Federalne uprave policije za sve policijske službenike kroz instituciju kolektivnog ugovora i druge vidove aktivnosti,
- omasovljenje članstva,
- veće učlanjenje i obrazovanje mladih u Sindikatu,
- zaštita interesa članova Sindikata,

- utvrđivanje realne cijene rada za policijske službenike u federalnim organima unutrašnjih poslova uz stalno praćenje uslova na tržištu rada, te ostvarivanje najpovoljnijih zarada iz domena poslova policijskih službenika,
- obezbjeđenje uslova za pružanje besplatne pravne pomoći članstvu iz oblasti radnopravnih odnosa,
- iznalaženje mogućnosti za rješavanje egzistencijalnih pitanja članova Sindikata (liječenje, materijalno pomaganje u slučaju teškog socijalnog stanja članova i slično a što će se regulisati Pravilnikom o raspodjeli finansijskih sredstava Sindika),
- uređenje zakonitog i racionalnog korištenja sredstava i zaštita zajedničke sindikalne imovine,
- formiranje fondova (fond solidarnosti, štrajkački fond i drugi),
- edukacija članova Sindikata,
- promocija vrijednosti sindikalnog udruživanja,
- saradnja sa drugim sindikatima organa unutrašnjih poslova i drugih organa sigurnosti na području Bosne i Hercegovine, uključujući mogućnost udruživanja, spajanja i ujedinjenja.
- saradnja sa sindikatima / udruženjima koji djeluju izvan Bosne i Hercegovine.

Navedene ciljeve Udruženje je dužno ostvarivati u skladu sa važećim zakonskim propisima.

Djelatnosti udruženja su:

- podsticanje, koordiniranje, objedinjavanje i ostvarivanje zajedničkih interesa i aktivnosti koja se ogleda u vođenju pregovora vezanih za zaključivanje kolektivnog ugovora,
- obezbjeđenje, razvoj i realizacija kvalitetnog radnopravnog statusa sindikalnog članstva,
- utjecaj na donošenje zakonske i podzakonske regulative od značaja za radnu, ekonomsku i socijalnu sigurnost sindikalnog članstva i njihova radno - pravna zaštita putem stručnih službi, angažovanjem advokata i drugih stručnih lica u cilju obezbjeđenja besplatne pravne pomoći za članove Sindikata,
- podrška i pomoć članstvu u rješavanju egzistencijalnih i materijalnih pitanja,
- edukacija sindikalnog članstva,
- sindikalna saradnja i savezi sa sindikatima u Bosni i Hercegovini, kao i sa srodnim udruženjima registrovanim van teritorije Bosne i Hercegovine.

Navedene djelatnosti Udruženje je dužno ostvarivati u skladu sa važećim zakonskim propisima.

4. Udruženje ima svojstvo pravnog lica, a predstavlja ga i zastupa **ALDIN SINANOVIĆ**, predsjednik Upravnog odbora.

5. Naknadu za upis u Registar u iznosu od 200,00 KM, udruženje je dužno uplatiti na Jedinstveni račun Trezora Federacije Bosne i Hercegovine.

O B R A Z L O Ž E N J E

Udruženje „Sindikat policijskih službenika Federalne uprave policije“ obratilo se zahtjevom za upis u Registar udruženja Federacije Bosne i Hercegovine koji se vodi kod ovog ministarstva.

Uz zahtjev je priložena sljedeća dokumentacija:

- Osnivački akt Udruženja – Odluka o osnivanju,
- Podaci o osnivaču – Obrazac broj 4,
- Ovjerene kopije ličnih karata osnivača,
- Statut Udruženja u dva primjerka,
- Odluka o imenovanju članova Upravnog odbora,
- Popis članova upravnog tijela – Obrazac broj 5 – Upravni odbor,
- Odluka o imenovanju Nadzornog odbora,
- Odluka o imenovanju članova Statutarne komisije,
- Odluka o imenovanju lica ovlaštenog za zastupanje i predstavljanje Udruženja,
- Zapisnik o radu Osnivačke skupštine Udruženja sa potpisima prisutnih članova,
- Odluka, broj: 09-19/1-04-3-1691/22 od 29.07.2022. godine, Federalne uprave policije, o odobravanju unošenja naziva „Federalna uprava policije“ u naziv Udruženja.

Uvidom u priloženu dokumentaciju utvrđeno je da su ispunjeni svi uslovi predviđeni Zakonom o udruženjima i fondacijama za upis navedenog udruženja u Registar udruženja, pa je iz tog razloga riješeno kao u dispozitivu rješenja.

Naknada za upis u Registar utvrđena je po rješenju federalnog ministra pravde broj: 01-341-750/14 od 18.02.2014. godine, na osnovu člana 54. stav 1. Zakona o udruženjima i fondacijama.

POUKA O PRAVNOM LIJEKU:

Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor. Upravni spor se pokreće tužbom kod nadležnog suda u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili kopiji.

Dostaviti:

1. Udruženje,
2. Zbirka isprava,
3. Poreska uprava,
4. Arhiva,
5. Federalno ministarstvo rada i socijalne politike Sarajevo
AO

